

廣雅疏證

三



廣雅疏證

(三)

張揖撰
王念孫疏證

廣雅疏證卷四上

魏清河張揖撰

高郵王念孫疏證

釋詁

廢措弛縱寘奠肆捨蕩逸放恣殺鉗署置也

廢者爾雅廢舍也郭璞注云舍放置也宣八年公羊傳注云廢置也方言發舍車也發與廢聲近而義同肆者堯典責災肆赦春秋莊二十二年肆大眚皆謂放赦罪人與置同意故說文云赦置也捨與赦聲義亦同故爾雅云赦舍也舍與捨通蕩逸放恣並同義論語微子篇隱居放言包咸注云放置也殺者曹憲云卽古文置鉗者韓詩外傳於此有絺綌五兩敢置之水浦列女傳作願注之水旁是注爲置也注與鉗通莊子達生篇以瓦注者巧淮南子說林訓作鉗是其證也署者說文署部署也謂部分而署置之也楚辭遠遊篇云選署衆神以

豈

幹擣運道道譴喘移敷挽轉也

幹者楚辭天問篇幹維馮繫漢書賈誼傳幹棄周鼎王逸如寤注竝云幹轉也天問幹字一作筦匡謬正俗云幹聲類及字林竝音管擣者玉篇擣轉雙也道之言纏繞也楚辭離騷道吾道夫崑崙兮注云楚人名轉曰道九章云欲儻何以干僚兮儻與道通道者方言道道轉也郭璞注道音換亦音管道猶幹也淮南子時則訓員而不垓高誘注云垓轉也垓與道通譴喘者方言譴喘轉也注云譴喘猶宛轉也譴各本訛作讀今訂正馱易通作

畱於專職端緒紬業也

畱者爾雅田一歲曰畱郭璞注云今江東呼初耕地反草爲畱釋文畱本或作畱鄭衆注考工記輪人云泰山平原所樹立物爲畱漢書溝洫志隤林竹兮捷石畱顏師古注云石畱謂畱石立之然後以土就填塞之也是凡言畱者皆始立基業之意畱之言哉也爾雅哉基始也卷一云業始也此云畱業也義竝相通於者方言於

業也郭璞注云謂基業也專職皆主其事之名故爲業也魯語云恃二先君之所職業端緒者爾雅業緒也注云謂端緒細者史記歷書細績日分索隱云細音宙又如字細績者女工細緝之意言造歷算運者若女工緝而織之是細爲業也

交贅疑戾撰質撫嘆係隱據刊定也

疑者皋陶謨庶績其疑馬融注云疑定也戾者爾雅戾定止也康誥未戾厥心大雅桑柔篇民之未戾襄二十九年左傳乃猶可以戾傳注竝云戾定也質者爾雅質成也鄭注小司徒云成猶定也是質與定同義大雅抑篇云質爾人民曲禮云疑事毋質皆是也洪範惟天陰騭下民史記宋世家騭作定孔穎達正義云騭卽質也撫者說文撫安也安亦定也嘆者爾雅貉嘆安定也郭璞注云皆靜定大雅皇矣篇求民之莫板篇民之莫矣毛傳竝云莫定也嘆莫貉竝通字又作貉說見卷一嘆安也下係者小雅楚茨傳云係安也隱據者方言隱據定也隱又音於靳反說文雪所依據也讀與隱同檀弓其高可隱也鄭注云隱據也孟子公孫丑篇隱几而臥

皆安定之意也。僖五年左傳：神必據我杜預注云：據猶安也。釋名云：據居也。居亦定也。刊者削而定之。今人言刊定是也。

餽餒餒飢也

餒者說文餒飢也

痿癰痢凋爽瘕壯創痒傷也

痿與殘通。癰音力達反。方言：凡飲藥傅藥而毒南楚之外謂之癰。癰痛也。郭璞注云：謂辛螫也。方言又云：刺痛也。左思魏都賦云：蔡莽螫刺昆蟲毒噬。是刺爲傷也。刺與癰通。今俗語猶謂刀傷曰刺矣。痢者銳傷也。說文以爲穉文。銳字廣韻又此芮切。云小割也。皆傷之意也。凋者說文凋半傷也。昭八年左傳云：民力彫盡。彫與凋通。爽者逸周書謚法解云：爽傷也。老子云：五味令人口爽。淮南子精神訓云：五味亂口，使口爽。傷張衡南都賦云：其甘不爽。醉而不醒。瘕者序卦傳云：夷者傷也。夷與瘕通。瘕各本訛作瘕。今訂正。爽創壯聲並相近。故壯亦爲

投教石搥擿擿也

傷方言凡草木刺人者北燕朝鮮之閒謂之壯注云今淮南人亦呼壯壯傷也馬融虞翻注易大壯竝云壯傷也淮南子倣真訓形苑而神壯高誘注與馬虞同創者刃傷也說文刃傷也或作創月令云命理瞻傷察創是也其創瘍之創亦同義釋名釋疾病篇云創狀也戕毀體使傷也曲禮云頭有創則沐是也痒者周禮瘍醫注云瘍創癰也曲禮釋文云瘍本或作痒是痒為傷也小雅正月篇瘋憂以痒毛傳云痒病也病亦傷也

教者說文教擊也又云桷擊也殺椎擊物也鄭注周官壺涿氏云涿擊之也案涿謂投擊之也其職云掌除水蟲以焚石投之是也教涿涿竝通石者新書連語篇云提石之者猶未肯止是石為擿也提音都回反法言問道篇提提仁義音義云提擿也擿風北門篇王事敦我鄭箋云敦猶投擿也敦與提同擿與擿同釋言篇云確石確也確擿石確擿聲義竝相近

黔省氓民也

黔首者說文秦謂民爲黔首謂黑色也周謂之黎民史記秦始皇帝紀更名民曰黔首案祭義云明命鬼神以爲黔首則鄭注黔首謂民也魏策云撫社稷安黔首呂氏春秋大樂篇云和遠近說黔首韓非子忠孝篇云古者黔首悅密憇愚諸書皆在六國未滅之前蓋舊有此稱而至秦遂以爲定名非始皇創爲之也堯典云黎民於變時雍則黎民之稱又不自周始矣

詼調詼話誠誕奠周調也

詼調誠爲調戲之調詼話誕爲調欺之調周爲調和之調詼者說文悝調也悝與詼同漢書枚皋傳詼笑類俳倡李奇注云詼調也文選東京賦悝繆公於宮室李善注云悝猶嘲也調者文選任昉出郡傳舍哭范僕射詩注引倉頡篇云調調也漢書東方朔傳云詼調而已揚雄傳解嘲文選作嘲嘲調並通調與調聲亦相近也詼者相欺調也卷二云調欺也釋言云調詼也說文詼誕也謂相欺誕也義並相通話者衆經音義卷十七引聲類云話訛言也小雅沔水箋云訛偽也哀二十四年左傳是僇言也服虔注云僇僇不信言也話僇音戶

快反其義同也誠者釋言云誠警也警與敖通爾雅諠
浪笑敖戲謔也郭璞注云謂調戲也史記天官書箕爲
敖客曰口舌索隱宋均云敖調弄也箕以簸揚調弄爲
象擬者衆經音義卷十二引倉頡篇云擬敷也又引通
俗文云大調曰擬周者淮南子原道訓貴其周於
數而合於時也高誘注云周調也周調聲亦相近

縊經闔絞也

縊經者說文縊經也絞縊也昭元年左傳縊而弑之杜
預注云縊絞也晉語申生雉經於新城之廟韋昭注云
雉經頭搶而縣外也釋名云縣繩曰縊縊阨也阨其頸
也屈頸閉氣曰雉經如雉之爲也闔者說文闔經繆殺
也又云摻縛殺也玉篇摻音力周居由二切絞也漢書
外戚傳卽自繆外鄭氏注云繆自縊也闔摻繆竝通喪
服傳塲之經不摻巫鄭注云不
絞其帶之巫者義與闔亦相近

新糝黏黏也

棍

新者說文新黏土也徐鉉傳云今人謂水中泥黏者爲
新新黏竝音居隱反其義同也內則塗之以謹塗鄭注

云謹當爲瑾瑾塗塗有穰草也正義云用之炮豚須相黏著故知塗有穰草也瑾與新亦聲近義同教黏者方言黏教黏也齊魯青徐自關而東或曰黏或曰教爾雅翻膠也郭璞注云膠黏翻也說文黏黏也引隱元年左傳不義不黏今本黏作曜考工記弓人凡昵之類不能方杜子春注云昵或爲黏黏也趙策云膠漆至黏也釋名云糝教也相黏教也黏翻曜昵竝通黏黏教一聲之轉也黏者玉篇黏黏飯也廣韻云黏黏也卷三云糝搏也糝與黏同音搏與黏同義說文匱飯剛柔不調相著也讀若適匱與黏亦聲近義同黏者廣韻云黏膠所以黏易今俗語猶然矣說文黍禾屬而黏者也故自黏以下七字竝從黍提提者玉篇廣韻竝云提黏也音池爾是義二切集韻引廣雅提黏也今本脫提字

貨產資財龜貝貨也

令琴故煖制禁也

令者鄭注月令云令謂時禁也琴者白虎通義云琴者禁也所以禁止淫邪正人心也文選長門賦注引七略

云雅琴者琴之言禁也雅之言正也君子守正以自禁也說文斂持也讀若琴捨急持衣衿也李鼎祚周易集解引白虎通義云禽者何鳥獸之總名明爲人所禽制也是凡與琴同聲者皆有禁義也敵者說文敵禁也爾雅禦圍禁也敵禦圍竝通亦通作御燬者玉篇音巨今竹甚二切制也廣韻云禁也燬與琴同聲燬各本訛作燬集韻燬都感反引廣雅燬禁也今據以訂正

僂疊襞褊鞶鞶結誦也

僂疊襞褊鞶鞶結者王篇引楚辭哀時命衣攝僂以儲與兮今本僂作葉王逸注云攝葉儲與不舒展貌攝音之涉反與褊通說文誦誦也一日屈襞又云襞鞶衣也徐鍇傳云鞶猶卷也襞摺疊衣也故禮注謂裙摺爲襞積也漢書揚雄傳注云襞疊衣也司馬相如子虛賦云襞積褰縞紆徐委曲襞字亦作辟士喪禮記裳不辟鄭注云不辟積也大射儀注云爲冪蓋卷辟綴於篠橫之莊子田子方篇口辟焉而不能言司馬彪注云辟卷不開也皆詰屈之意也屈與誦通跋者足屈而不伸故亦謂之蹇吳志孫峻傳注引吳書云畱贊與吳桓戰一足

被創遂屈不伸曰我屈楚在閭巷之閒存亡無以異是也衆經音義卷十四引埤倉云襦褌衣也又引通俗文云褌縫曰褌廣韻摺摺疊也士昏禮記執皮褌之鄭注云褌猶辟也褌摺摺並通今俗語猶云摺衣或云疊衣矣呂氏春秋下賢篇卑爲布衣而不瘁褌高誘注云褌猶屈也凡物申則長詘則短故詘謂之褌辟短亦謂之褌辟素問調經論篇云虛者褌辟氣不足是也甲乙經作褌辟褌之言卷曲結之言詘屈也卷一云褌結詘曲也引之云爾雅革中絕謂之褌郭璞注云中斷皮也革中褌謂之褌注云復半分也案革中褌之褌當爲辟字形相近又蒙上文辨字而誤也據儀禮禮莊子子虛賦說文廣雅諸書則凡卷者謂之褌故革中褌謂之褌若辨乃中分之名與褌屈之義殊無涉也說文革中辨謂之褌辨字恐是後人以誤本爾雅改之

複裕增夥積壘襲成仍鄭衡重也

裕者急就篇襜褕裕複褶袴褊顏師古注云衣裳施裏
 曰裕增者說文層重屋也玉篇音自登子登二切周頌
 維天之命篇曾孫篤之鄭箋云曾猶重也老子云九層
 之臺起於累土楚辭天問篇云增城九重增層竝通

移者說文馳重次第物也漢書武帝紀注云今俗謂凡物一重爲一馳左思魏都賦兼重性以馳繆李善注云言既重其性而又累其繆也性與純通馳竝與移通襲者哀十年左傳卜不襲吉杜預注云襲重也金滕作冒吉坎彖傳云習坎重險也習與襲通成亦襲也故爾雅云山三襲陟再成英一成一成坏周官司儀爲壇三成鄭衆注云三成三重也引爾雅邱一成爲敦邱再成爲陶邱三成爲昆侖邱南山經成山四方而三壇郭璞注云形如人築壇相累也成亦重耳土喪禮下篇俎二以成鄭注云成猶併也併與重義亦相近仍者晉語晉仍無道韋昭注云仍重也鄭者漢書王莽傳非皇天所以鄭重降符命之意顏師古注云鄭重猶言煩煩亦重複之意也獨亦複也說文衡重也衡曹憲音復各本脫去衡字其音內復字又誤入正文集韻引廣雅衡重也今據以訂正

明曙昕昞較發卓離天暉炤耀罔烜晝光顯耿晃憚皎彰
皦曉暉悞視晰昱曠昭晤昀旭徵煒闐陽杲粲炷堂彰著

明也 爽

明者說文朙月未盛之明也朙與明同召誥惟丙午朙傳云朙明也月三日明生之名漢書律厯志引古文月采篇云三日曰朙淮南子天文訓曰登于扶桑爰始將行是謂朙明高誘注云朙明將明也楚辭九思時朙朙兮且旦注云日始出光明未盛爲朙聲義並同也曙者說文曙旦明也文選魏都賦注引說文作曙管子形勢篇云曙戒勿怠曙之言明著也昭十一年左傳朝有著定杜預注云著定朝內列位常處謂之表著魯語云署位之表也曙署著三字聲相近皆明著之意也昕者說文昕旦明也日將出也士昏禮記云必用昏昕昕之言昕昕也漢書揚雄傳垂景炎之所昕顏師古注云昕昕光盛貌說文昕讀若希齊風東方未晞毛傳云晞明之始升也晞與昕聲近而義同昕者文選兩都賦序注引倉頡篇云炳著明也革象傳云其文炳也炳與昕同較之言皎皎也史記伯夷傳云此其尤大彰明較著者也發者齊風載驅篇齊子發夕韓詩云發旦也楚辭招魂娛酒不廢沈日夜些王逸注云不廢或曰不發發旦也引小雅小宛篇明發不寐旦亦明也商頌長發篇元王

桓發韓詩撥作發云發明也下文云明發也是發與明同義卓與下暉字通卓之言灼灼也說文倬著大也大雅棫櫟篇云倬彼雲漢爲章于天韓奕篇有倬其道韓詩作暉法言吾子篇云多見則守之以卓卓倬暉竝通離者說卦傳云離也者明也萬物皆相見南方之卦也聖人南面而聽天下嚮明而治蓋取諸此也天之言炎炎也說文引小雅節南山篇憂心炎炎今本作憂心如惓韓詩作如炎說文炎火光上也方言炎炎明也憂心如火之炎故與明同義凡詩言憂心烈烈憂心奕奕憂心惓惓耿耿不寐如有隱憂之類皆其義也說文覲察視也讀若鎌覲與天亦聲近義同炤與照同炤者說文炤窓牖麗廡開明也象形文選江淹雜體詩炤引倉頡篇云炤大明也炤之言宣明也衛風淇澳篇赫兮炤兮毛傳云炤威儀宣著也韓詩作宣云宣顯也大學作喧爾雅作烜竝字異而義同畫爲明也耿者王逸注離騷云耿明卦傳云晉晝也是晝爲明也耿者王逸注離騷云耿明也立政云以觀文王之耿光晃之言煌煌也釋言云晃暉也說文晞明也釋名云光晃也晃晃然也晃與晞同小雅皇皇者華傳云皇皇猶煌煌也釋文煌又音晃秦策云炫燿於道漢書揚雄傳云北燿幽都竝字異而義

同憚讀爲闡衆經音義卷二十三引廣雅正作闡繫辭傳而微顯闡幽韓伯注云闡明也呂氏春秋快勝篇云隱則勝闡矣微則勝顯矣公羊氏春秋哀八年齊人取謹及憚左氏穀梁氏竝作闡是闡與憚通皎者王風大車篇云有如皦日陳風月出篇云月出皎兮皎皎皦皦通彰者鄭風女曰雞鳴篇云明星有爛爛與彰通皦皦者方言皦曉明也暉之言奕奕也方言暉明也譯見也小爾雅敦明也洪範曰圉史記宋世家圉作悌集解引鄭氏書注云圉者色澤而光明也齊風載驅篇齊子豈弟鄭箋云此豈弟猶言發夕也豈讀當爲闡弟古文尙書以弟爲圉圉明也爾雅愷悌發也發亦明也司馬相如封禪文昆蟲闡暉亦是發明之意猶言蟄蟲昭蘇耳王延壽魯靈光殿賦赫暉暉而燭坤李善注云暉暉光明貌何晏景福殿賦云鎬鎬鏘鏘赫奕章灼集韻引字林云煖火光也是凡與暉同聲者皆光明之意也暉各本說作暉今訂正悞者衆經音義卷十二引倉頡篇云悞明也漢書王莽傳云憤眊不慄說文厂明也厂渫竝與悞通晰之言明哲也說文昭晰明也洪範明作哲大傳及漢書五行志竝作哲小雅小旻篇作哲大有象傳明辨哲也鄭本作遴云讀如明星哲哲祭法瘞埋於泰

折鄭注云折昭哲也張衡思元賦雖司命其不闕竝字
異而義同昱之言耀耀也釋訓云昱昱明也說文昱日
明也太元元告篇云日以昱平晝月以昱平夜淮南子
本經訓云焜昱鎔眩照耀輝煌說文煜耀也義與昱同
曠者說文曠明也鄒陽獄中上梁王書云獨觀於昭曠
之道莊子天地篇云上神乘光與形滅亡此之謂照曠
照曠與昭曠同晤之言寤也說文晤欲明也引邶風柏
舟篇晤辟有標今本作寤關雎傳云寤覺也寤與晤通
晤之言灼灼也說文晤明也中庸云小人之道然若
日亡的與的同旭之言皓皓也說文旭旦且出兒讀若
好一日明也邶風匏有苦葉篇旭日始旦毛傳云旭日
始出謂大昕之時周頌載見篇休有烈光鄭箋云休者
休然盛壯休與旭亦聲近義同徵之言證明也各本訛
作徵考諸書無訓微爲明者廣韻集韻竝云徵明也中
庸杞不足徵也昭三十年左傳且徵過也鄭杜注竝云
徵明也今據以訂正煇者說文煇明也引鄭語煇耀天
地今本作信假借字也楚辭九歌噤將出兮東方往云
謂日始出其容噤噤而盛大也義亦與噤同揚雄羽獵
賦光純天地純與煇亦聲近義同闔之言開明也說文
闔開也爾雅愷悌發也舍人李巡孫炎郭璞皆訓愷爲